

千 3  
3565  
4



門 子 38  
號 3565  
卷 4

程氏齋苑齋上

章工

齋字氏曰一舍一易上謂派尚矣亦  
舍易非派而一界一商所已為派也  
舍易而可曉畫夜上齋而坤上亦章  
予其曰夕引照詞景圖已鼓斃爾露  
霜霏印結固下用亦齊雲空而霽青

墨苑玄工

卷一上

蘇蘭堂

霞爛而景碧造物尚雜所用上帝然  
而不廢者真宰上工也  
而夢上至亦  
多余茂齊而瞻穹陸渥空寧經緯變  
似无體形用亦用川而下上然事畢  
非已窳高極遠廟服於管廟上義而  
天止宮工

新學程亦躬研博與著



東嘉趙士棟棠高氏書



程氏墨苑卷之一

玄工

墨史氏曰一陰一陽之謂道尚矣夫陰陽非  
道而一其一者所以為道也陰陽而明晦晝  
夜之墨天地之大章乎哉日月以照臨風雷  
以鼓散雨露霜雪以滋固其用大矣雲玄而  
霧青霞燦而嵐碧造物者各所用之矣然而  
不廢者真宰之工作兩間之至文乎余苑墨

墨苑五 卷一  
而瞻宇窟范玄德經緯變化無不腫列用大  
用小天下之能事畢匪以窮高極遠竊附於  
管窺之義而已作玄工

新都程大鈞幼博父著

里人鮑觀光伯達父書

# 程幼博墨苑目錄

第一卷

玄工上

太極圖四款

贊二 說二

河圖

贊三

洛書

贊三

日初昇

賦一

太微垣

賦一

天市垣

賦一

北斗七星

歌一

紫微垣

歌一

龍鳳呈祥

頌一

日月重光

頌一

天保九如

頌一

月初弦

贊二 詩一

格澤星

頌一

景星圖

詩一

五老告河圖

贊一

五星聚奎鐸

詩一

文昌宮

歌一

玄圭

贊一

金莖露

詩五

燃石香雲

詩一

皇朝詩林卷之五

東皇太一

贊一

頌一

銘一

湘夫人

詩一

天孫雲錦

歌一

贊一

孤南

歌一

大司命

詩一

浮漢槎

詩一

東君

詩一


雲中君

頌一

一  
卷  
目  
錄  
終



# 育極圖




皇朝詩林

# 陽根陰根




# 本極

右太極圖周敦實茂叔傳二程先生茂叔曰无  
 極而太極太極動而生陽動極而靜靜而生陰  
 靜極復動一動一靜五為其根分陰分陽兩儀  
 立焉陽變陰合而生水火木金土五氣順布四  
 時行焉五行一陰陽也陰陽一太極也太極本  
 无極也五行之生也各一其性无極之真二五  
 之精妙合而凝乾道成男坤道成女二氣交感  
 化生萬物万物生生而變化無窮焉



易有太極圖



舊有此圖  
 太極未象數惟  
 一氣耳一氣既分  
 輕清者上為天重  
 濁者下為地太極  
 生兩儀也兩儀既  
 分則金木水火四  
 方之位列兩儀生  
 四象也水數六居  
 坎而生乾金數九  
 居兌而生坤火數  
 七居離而生巽木  
 數八居震而生艮  
 四象生八卦也

太極圖

無名無象渾兮玄同假象命名鬱起儒  
 宗先天剖秘後聖必從動靜孰分生萬  
 靡窮名立象設罔非玄功範成太玄圖  
 書比隆銷磨歸盡乃返鴻濛遊于無極  
 永述遺蹤

陽平里  
 乃效印

朱之蕃書





太極圖

逸史氏曰太極倣于易而周子始圖焉  
分陰分陽之義也圖始于周子而今始  
更焉根陰根陽之義也陰陽圖而顯晦  
象矣是造化大治之墨也余固圖之入  
墨品賞鑒家嘖感而鄙開道將無台口  
實焉

海陽程洵



太極圖

兩儀四象八卦攸出誰其尸之厥  
維太極昭琴不鼓點瑟既希欲言  
靡從以問庖羲

焦竑



太極圖

皆以規而維其鼻有為象先  
後王吐負如寶匠斲器一得自  
身同象淋漓八極純說其德陸離  
者包怪而象以順帝之則

崇厚石元聲





太極圖說

太極何名也而夫子著之何象也而周子圖  
之然分陰分陽之義顯而根陰根陽之義微  
矣今始更之顧不于書而于墨何也示兩不  
盡之旨焉且具于質而還于虛不昭于此矣  
寶玩好者不當與天球河圖並埒耶

新安汪良楨





河圖

景龍呈文易數斯顯四十有九厥  
 名大衍環中無窮一焉常虛疇能  
 演之載若一車

焦竑



皇朝通志卷一百一十一

河圖

生而有象為馬為龍象而有數  
五十居中水北火南金西木東各以  
位置應測匠誰令副畧肖此玄同  
百和千推還於鴻濛斯又鼻祖太白  
之容我銘元始不數雕象

沈潛




河圖贊

鴻濛寢昌天不愛道維河出苞含章顯告義  
皇則之卦焉始畫越文周孔尋源衍派廣大  
悉備三才攸宜胡然九師令易道微千聖一  
心有決斯沛契帝之先帝編可匱儀圖子墨  
宛彼龍馬觀象洞微啓予作者

汪良楨





洛書

洛書

洛有龜書易象所祖天苞欲開地  
 符斯吐如碁斯布道乃有常君子  
 體之立不易方

焦竑



洛書贊

湯湯方割四海其痼玄圭告成美哉禹功  
帝是用嘉錫彼地符配以九疇於變唐虞  
丕承維武釋旄而訪父師縷陳治運諸掌  
允哉君範非疇安做事有本始不在多言  
太玄擬書觸目傲焉敢告  
君相是訓是行建用皇極而天下平

汪良楨



日初昇賦



日初昇賦有序

不佞約少而為儒藉大學已給事鴻臚之廬日侍  
殿廷候唱卯馬以伉直故非久謝歸乃舍儒而攻墨  
墨成思以易天下未幾而家難作棲於福堂畫地  
愴入剡木期對苦長夜之漫漫覬覆盆之末照昏  
昏墨墨容究何地鳴冤剖憤就日靡期會画史以  
日方昇圖獻欣然當心者久之大明出矣幽隱固  
畢燭也遂授之剗刷而賦以自廣焉其辭曰  
曩聞鴻濛氏剖健順判玄黃手搏二曜以授混茫

始無始而亘運世練陽之精去陰之晦翕闢而得  
橐籥測天地之道若張弓張者極胎焉距齊州之  
丹穴臨懸寓之大荒伊沈窅之高昊御乾行而無  
疆爾迺曜靈懸象布景開祥矢曈曈之初旭晞亭  
亭之遙光駕六龍而飛三足經暘谷而出扶桑濯  
虞淵而暈赤殿大塊之青蒼駕火輪之閃爍結鬱  
像之隣壤循浮蟻之順軌標跋鳥以翱翔若夫行  
度惟一在天無二扶搖淨氛雲霞任質夜氣昏黃  
海景閨窻玉漏逡巡金鐸寂閱爾其借輝月星

光流時襲奧密於渾淪握洪鈞于靜壹逮夫宵色  
漸闌晨光肇晬華鏞鏗鳴天鼓迨已爾乃輪囷萃  
彩圓規燦熾岩峩上臻掩映宏肆遣神獸之升中  
浴海濤之厚積鞭豐隆以前驅殿陽候以執轡捧  
軒蓋於馮夷揚旌麾於后羿蔽雲旗之縹緲紆霞  
縠之陸離其始出也若大造爐冶耀金萬行詎資  
采於丹艧非炫色於銀黃其少進也若億燦萬燿  
協舉齊章展碧落而流沆瀣續啟明而曙東方其  
方升也大明於赫麗天當陽順赤宵之左旋列黃




道之中央於是言謝玄冥肅駕東皇揚靈祝融麗  
率鉤芒馳北闔而遵南陸出大蒙而䟽天潢于斯  
時也乃有容成為之步畧羲仲表之察祥大史以  
書雲物鷄人候之隨唱葑屋用黜其豐緇繫靡施  
其長逐何煩于夸父戈庸揮于魯陽故有禪海四  
洲臨之而效法外夷中夏瞻之以舒祥河瀆澗壑  
煬之而澌釋丘陵山岳灼之而脊煬薰灼艸木則  
化機潛回于甲拆翊揚鱗羽則灑氣暄曝于游翔  
若迺離明遍博衆方仰望鉅無遠而弗屆纖無近  
而弗彰物何潛而不耀人何匿而不揚故有嗇夫  
出作市官開場譽髦晨起而披閱工技夙興以勵  
勩羈旅厭乎多露女紅促乎篚筐庶官有司應卯  
而朝請公宮中閭辨色而趨鐸凡含生而負血氣  
孰不乾乾而感煬乎青陽乃有


聖人在

天子之位九重繼四方之明麗重華而秉陽德鑒日  
邁而法天行暴陽明于晞旭筮政事于精明問何  
其以視陞屆光表以由庚就日于虞冕又新於湯

銘追惜陰于夏后法待旦於周成豈不膺億萬載  
 之間值軼三五世之登閣者哉乃有艸莽羈累典  
 謁舊臣下腐令之蠶室銅鄒陽之徑扃胥靡縲絏  
 寬假剗黥薄虞泉之及晏淪蒙谷之是傾嘆逃墨  
 之不得免絕頌天保之如恒升夫日者明也晷者  
 晦也用明而明明不豸盈用晦而明相推而生竊  
 聞之字日者長史而命表名掌十暉于晷祲想五  
 帝之合并峙分方于真宰美黑帝之為正結玄綠  
 以炎而尊登曾以濤夫非煙煤膠漆水火之交和  
 墨而成者哉是用以之蔽市庶幾有以自明  
 亂曰曉雲燦兮初曦爛兮赤烏白虹何橫漢兮蒼  
 璧褐懷不可以汗兮大明中天酌永旦兮  
 新都程大約



# 太微垣



太微垣賦有引

余故郎大行親

帝座三台九列之上  
 看職次焉迄今十年  
 往矣齋居之暇中夜  
 興思凝睫睇垣眇焉  
 悵結子墨氏圖焉耿  
 草莽之忱爰為賦  
 而廣之

緇上元之曠眇兮昭列象于蒼穹步翼  
軫之直北兮見太微之中宮闕端門之洞達  
兮迺位乎正中儼執法之左右兮對峙乎  
垣之西東胡皂衣稱謁者兮以次直乎  
三公陪九卿之駕序兮列諸侯之後行  
祭四星之軒屏兮納帝座于中正波幸  
臣與從官兮奉儲貳以崢嶸翌郎將及  
帟賁兮夾郎位之陳仍矚常陳之熠燿  
兮遂嚴密乎五兵仰三台之明麗兮永  
照皞乎以絃觀少微之光潤兮紛玉帛  
于茅衡攝長垣之惛伏兮肅胡虜之  
戢寧卜霽臺之靜正兮驗紀曆之順成

立明堂之明大兮布象魏之均平憶夙昔  
之侍御兮悅日月之流邁遲泰階之昇  
躋兮俟河清其未極冀王道之一平兮  
近穆清而竭力胡良止之中掇兮竟井  
渫之莫食歸去來兮倦草莽之淹息  
應青林之逸藹兮白日忽其將匿長終  
夜之懸望兮眇微垣之難即斗參橫  
而待旦兮烟寤寐以反側寧移封于醉  
鄉兮願食邑乎即墨表同文于明聖  
兮廣書契于萬國

程大約



劉然書



# 天市垣



天市垣賦有序

余觀日初昇賦之就矣而畫史氏更以天市垣圖  
 進南斗之前二十二星東西垣列焉余躑躅園扉  
 日久仰觀貫象星入且繁明不及六七者余之寬  
 狀何日可白聊為短賦以泄其恨恨焉  
 余關木而夕嚴予甘蓬累乎低廡視屋漏于天隙予  
 若微茫而有覩萬象闡其無光予倏仰瞻而復頰美  
 天市之于垣予居南斗之所部市樓車屠肆以列予  
 辨陰陽之分數天斗榘之平量予歲豐穰之仰覆廣

帛度之衣被子暨窮髮以及編戶相七公而列九紀  
子恂躋躋之黻黼安天床之女御子卜

公宮之德溥容貫城之宏開子母賢豪之嚙虜彼宗  
屬之明潤子厭閤寺之跋扈臣列族而拱

帝座子升泰階于遠古被十五國之風謠子潤河海  
之澤普余管窺不知幾萬里子跼促靡能以步武豈

六合之為盛子天地舒而納網畧余知白而守黑子


櫻情于翰墨之圃效斯法而成斯象子將無卑乎工  
賈彈人官而之天市子競東辟之公府久則雷諸子

禮子遠則敷夫率土美神技之進于道子書契于鳥  
攸取余信有感于斯子莫知其為鼓若舞

新安程大約



北斗七星



如斗七星

君不見漢時博望侯乘槎直上天津流  
 又京見海邊鶴髮翁曾看牽牛飲河中  
 禪窟已死無推步象緯何由探其故  
 霄茫、羊角中伊誰寫此若綦布吾聞  
 北斗為天樞七星映、如貫珠杓携龍  
 角成連璧魁枕參頭應瑞符烏鵲東飛



擊河鼓紫薇垣傍文章府纏貫三公列  
上台班聯四輔當元柱玄戈東指森搖  
光白榆落，拂挽槍


帝運正隆披太乙寶奎初曜映文昌靈  
臺如蓋窺天祿不與繁星競遑速而夾  
權衡如跳丸並坐璇璣若轉轂少率鉛  
繫出皂囊玄冥之國成報章萬里雄心

吹鬼膽十年壯志看鼻腸吁嗟乎龍蛇  
葦店生輝煌秋風鷗化黃河捲春苑驄  
驕紫酒香

榮湯鄭瑛撰



紫微垣



扶輿中奠  
瑞光左旋  
太平上理  
天子萬年



紫微垣歌

大率之座推之樞象厥  
偏為體家區左輔右丞一  
中子師弼兌神者俞倚為  
西垂八萬里紀玄極兮曆星

紀山魏之爭毒此中潤赫

明威為終始駕波為就

轉搖光朱為翱翔耀八荒

逸文系智伏此窮福一玉道

義守西方燿深固玉輝壁

府白龍黃鐵惟參玉文維

錦象階平初極勝輝壽

中土誰志乳象真寔居第

幾點照說世虛一自玄知星

式後第年——字富皆居

書


涇水所宜成



紫微垣贊

蒼帝行德 天门開  
白帝行德 昂畢周  
赤帝行德 天牢空  
黑帝行德 天關通  
黃帝行德 天竅  
棘天行德  
天子壽萬年 風雨不破石

澄溪羅相



程君房為庚子解元製

衰然舉首



晬晬豹文手掇其  
元之子觀止為多  
士先幼博




龍鳳呈祥

龍鳳呈祥頌

於鑠我皇緝熙大明光闡聖道以和以平龍見  
于郊鳳儀于庭隱飛躍鏘和鳴應金行之秀氣  
稟火德之精英負靈圖而五彩讚簫韶于九成爾乃  
騰雲而起搏風而翔煥羽儀於千仞耀神化于八荒  
璀璨備質蜿蜒成章遠而望之儼旭日之環麗迫而  
察之像列缺之光芒羨茲鱗介之長羽族之王允亘  
昭盛世之嘉瑞表熙朝之吉祥

臣程大約謹頌

日月重光



日月重光頌有序

天子嗣服有二十載茂德存乎十世廓帝統  
光祖德嘉與函夏福澤而緩寧之神謨聖  
真天人協應徵億萬載無疆之庥殆于今  
而為烈者也于時壬辰八月既望復當流  
虹之誕方負澄肅夷夏貢庭忙呼祝頌天  
動雲躔于是日月之瑞獻重光焉唯是  
天子自昭明德當天繼照通晝夜之知合陰

陽之撰苞育玄黃登邁三五以故能茂格  
重玄薦孚元始明二曜正六符朗壽星引  
玉曆綿基圖而永元命葆神凝一太和也  
薦恭欽明茂德也洪澤顯比至仁也久道  
化成上算也豈必登弇宮探玄圃表云亭  
之勝迅崑崙之馭然後能承休造誇琰琬  
我不佞訥故守詞垣久叨禁直方脩雅頌  
之業鳴明聖之盛鴻臚典客程大約氏給  
事殿廷近侍

御榻謂

天子萬機之暇日親子墨揮灑

宸翰重光之瑞請得譜之三臺石墨以伸供  
奉用鄣錫貺之隆考之日月姓氏以張以  
文畢具顯晦之象翰墨之所有事也其說  
雖不經見而重明麗天燭炤萬彙日月之  
用大矣矧當重光之會萬古而一時者哉



不佞訥唯唯謹據鴻臚之悃推演所聞闡  
揚休懿庶幾矢歌于天保比義于金鏡云  
耳頌曰

皇矣上帝昭茲曆數啟佑我明十葉在御懋  
建有極昌符厥祚得一以貞奉三為慶於  
爍我

后體道凝神黃中通理粹白秉真克謹大德  
祗肅蒼旻歛時五福錫厥庶民萬國咸寧  
天下歸仁穆穆在廷雍雍在宮禮樂右文  
勘定興戎南暢壯服被西漸東

皇穹申鑒荅貺玄功天不愛道肇畀鴻濛瑞  
霖甘露景星和風地不愛寶岳寧瀆通萬  
品穰穰百穀芄芄人不愛情幼長老終九  
夷八蠻歸命高崇嘉貞休祥畢集厥躬  
皇建在宥萬福攸同乃若仲秋爰司金令霄  
漢澄鮮天人叶慶華渚降精赤符誕聖色

動九重歡騰萬姓維日之恒晝耀重光維  
月之升霄色載揚杰文內溢丹霞外颺精  
華園抱盛魄旁張雨作益離合彩益彰雙  
珥四慧連貫煥茫烏華兔冕並駕翱翔望  
舒媿映羲和麗祥於爍我

后萬壽無疆機務多暇游文藝場石渠中書  
墨卿楮郎乃揮雲藻乃剡天章揚禎勒瑞  
諭縻是常詔遐俟後鳥篆是將席拜稽首  
頌聲洋洋敬矢司墨誕告多方

關中鳳岡盛訥撰





天保九如頌

天保九如頌 有序

天子之御宇紀萬曆元也蓋祈天永命懋至德焉臣子嵩呼而效遐祝曰

天子萬年 天子者天地民物之壽命也

天子壽而天地民物之壽隨之此其彰彰較著者也約至愚不肖罹戾與供

朝禴一日之役迄今有遐思焉恭

皇上揮灑宸翰爛然天章時時親子墨客卿

以隆玄德草莽之中無繇奉


起居叨近侍奏論縻而勒天保庶幾効區區  
之忱明北面哀悃耳謹援風人之義演為  
頌詩二章敬俯伏稽首以獻頌曰

聖人在宥赫斯中興函夏允殖夷荒救寧濟  
濟岳牧師師凝丞剡章雲漢子墨凌兢點  
畫辰宿以永結繩詩人有言天保定爾以  
莫不興如山如阜如岡如陵如川之方至  
以莫不增

曆踰二紀轉算相乘於萬方獻纍纍休徵  
隋禧八景叶贊三靈洪釐祗受御墨頻仍  
三臺石貝不啻十朋詩人有言如月之恒  
如日之升如南山之壽不騫不崩如松柏  
之茂無不爾或承

程大約

鮑其翺書



月初弦

月初弦

瞻彼西海霏魄肇生麗天則周繼日而明澄  
凝出坎胚胎自坤含光忌滿微露蟾形道在  
中含自虧至盈輝孤懸晶東升尊居帝  
宮高映垣星繪者善事圖之墨卿恆乎得  
玄冥之色象為太陰之至精

程寰仲甫父撰



月初弦

玄冥之精積陰作明朏朏半生冲而徐  
盈蟾嘘將媼兔新其杵葭候方鮮桂華  
初吐皓穎待妍文光斯溥

梅守箕




初弦圖

月初弦鬪桂枝升塞澈月初弦天走乃為裁  
培心月初弦孀娥試粧揚修眉月初弦兔攀  
蟾魄流離月初弦下方矯昔望濟糲月初弦  
天光漏算藹擲月初弦盈望未為遲月初弦  
陰隲墨嶼曠杳隨

溱陽程涓

汪大同書




格澤星

萬曆紀元廿載于斯

天子中興鼎建三殿裸夷作難屬國不靖不佞抱杞人之憂占天得格澤焉大壯之業隆遠人格矣喜而賦此為尚方獻

格澤炎如火上尖潤斯澤斯油素浥沾如楯而格不種而蕪不有土功必有大客降假明辟遠貊徂蠻汗青點漆尺一斯殷重譯遐荒方來者吉凌煙論功爾其第一

程大約



狀如下月生於  
晦朔王者不遺  
故人即見

# 景星圖

## 景星

煌煌景星言煥其色精幹華搖以表至德眷出自西  
 鼎立而齊肇翊遲晦助月升躋位則三成宵則三更  
 照彼夜作萬室順承聖人叶贊式靈之大杰空青黃  
 中宜官人天鑒至幽機湛湛甘露披瓊枝周伯蓬蒿  
 前致辭  
 天子萬壽遠如期八荒皞皞禳蕃禧闡闡翰墨戶書  
 詩嘉哉陳玄為祝釐

黃公敏有功父



五老告河圖




五老告河圖

仲尼有言吾聞堯率舜等遊首山觀河渚有五老遊  
焉五老以次而告帝河圖將來日期曰謀曰書曰圖  
曰符已龍銜土封盛書五老化為流泉土入昂其事  
絕異載之論語者信矣余故鐫之入墨林而賞之  
亘萬古際一元協重華闢四門河之渚五老尊告河  
圖龍馬奔天符啟坤靈掀金泥出玉檢存降唐典識  
魯論煥乎文章小羣言

程大約

五星聚奎



五星聚奎 行 甲申年作

垂衣聖人坐明堂煌煌天德日月光相傳五星聚奎  
 躔天下顏色生文章往年大水占牛斗曾勸長星一  
 杯酒赤妖立掃禎祥出精霧變化應無有嘉靖五星  
 營室間將作大匠不得閑纏次遲速偶然聚五十餘  
 年千歲還奎躔分野應何值盡屬中華文物地北斗  
 南箕未可量  
 大明中天萬曆始

程大約



文昌宮

文昌宮歌


竊真何處文昌宮  
斗口戴匡亘彩虹  
帝子巍巍駐黃屋  
真氣彌彌薄太空  
下羅五岳疏川瀆  
上窺二曜凌穹窿  
祥焰輝煌爍河漢  
裔雲繚繞峙天墉  
太微伊邇傷帝座  
群靈絃轂來空同  
雪精驍驤騁高步  
委蛇追電羊角風  
侍從瞪目哆


口笑人言地啞天為聾此語荒唐未可  
 據或黜口耳專心胸會主圖書耀東壁  
 司祿司命權兼隆要為元元啓靈府直  
 從大始開鴻濛揮毫洒墨流千禩相忘  
 真宰不言功

程大約

玄圭  
 禹乎水土告  
 成丘皇錫爾  
 玄圭惟溟臥  
 蒼治功底定  
 水禮靈長百  
 府彼需九鼎  
 用光  
 程涓

玄圭





金莖露篇四首

其一

高、臺、踣、油、、雲、蒸、銅、盤、遙、接、仙、掌、以、承、漉、  
者、不、舍、物、理、相、乘、願、挹、上、池、躡、景、允、升、

其二

中、天、何、際、層、樓、五、城、神、遊、八、表、徧、謁、羣、靈、飲、  
我、沆、瀣、錫、我、年、齡、頰、咲、齊、州、蚩、、臭、腥、

其三

手頓義轡日候黔羸胡神三秀胡叢九莖翠  
業朱實露漙零々矢偕百物永言長庚

其四

珠々寶露滴々太清雲霞薄躡虹駕霓旌晞  
髮湯谷濯足滄瀛研以文墨百世千齡

程大約



劉然書



金莖露篇

栢桑臺高接元僊以銅掌擎金蓮承來夕露  
日如泉汁爰供釀涓滴研酒成開宴誼成篇  
君王天畀三萬年

陳二龍



燃石香雲



爛石色紅似肺  
燒有香烟聞數  
百里煙氣升天  
則成香雲雲遍  
潤則成香雨

燃石香雲

焚地肺通天心煙縹緲何陰陰油然作  
沛然霖震百里馥蕭森玄者德美瓔琳  
穎楮研共盍簪論生剋三相象神王氣  
制在禽濟用離承以壬

義陽彭好古





東皇太一

四雅

東皇太乙

巫之劾神 臣之劾主 惟力斯殫 心無  
 寧所神 之聽之悅 樂以康主 之用之  
 輝煌之謨 堂之福永 昌以寧尔 家邦

汝脩未宗吉





東皇太乙頌  
靈何居兮楚國之東  
貝為闕兮琳為宮  
靈何服兮楚澤之芳  
芙蓉為衣兮薜荔為裳  
雲為旂兮羽為蓋  
靈往來兮龍哉沛  
芸閣兮緗編光五色兮鮮而妍  
華哉國家兮億萬年

程大約



東皇太一

於赫兮厥靈撫長劍兮掃彗星  
楚左徒兮安歌漢中壘兮談經  
是宜吹青藜於秘書之閣  
敷衆藻於著心之庭者耶

白吳頤秉謙





湘夫人

湘夫人

湘竹癡心癡湘君恨不平誰由竹上癡  
 化作碧玉璞碧玉沉江：木黑湘妃  
 南望多消息徒流江水引人間和取  
 松心成一色

丘禾膏



湘夫人詞

洞庭鏡光君山如髮極望滿湘愛此明月沉  
 泛桂舟游于湘渚波翻魚涌湘靈夜語神何  
 恍惚似通而遙中流鼓瑟極浦聞簫如攬霞  
 裾如結桂旗紛其可望風輒引之倏而駖龍  
 容與春宮太乙齊鑣羣靈颺從我思帝子在  
 湘之水荃不我覲誰適為美青、皋蘭被于  
 湘干雜佩不紉寤寐永嘆

陳勳





湘夫人

一滴水衍洞庭波發彈指之頃浴日沐月有  
 美一人其顏如荼縮鬢効雲凝脂為膚江有  
 香草美人佩之翩何姍姍宛其來遲帝實遣  
 子作室玄德千年之後陰靈復出

湯賓尹題



天孫雲錦



七夕圖歌

秋雲乍薄河漢陰  
 秋風乍動飄梧林  
 共道天孫散巧夕  
 鵲橋高駕牽牛臨  
 千門萬戶陳瓜果  
 淑氣瀰瀰漢渚深  
 男兒手不工文墨  
 若從女子聞穿針  
 人言織女勞機杼  
 終日札札成幾許  
 隔歲迢迢難再期  
 一水清盈不得語  
 霞銷雲縠剡天章  
 鳳彩龍文動七襄  
 五紋絲縷別蒼素  
 九區衣被贊垂裳  
 審知雲幄休裁蠶  
 織

卷一  
 四十五

祇助牛郎和筆墨室家輕煖慶綦隆天下文  
章生顏色此夕何夕重躡躡雙星會合情鬱  
舒揮手夷猶高謝世坦腹清狂別曝書閣然  
日章織素理何哉牽牧勤耕鋤夜夜墨花飛  
彩霧光茫斗畔徹牛墟

程大約

七夕

支機兀龍梭絡繹天上佳期人間七夕乞  
巧穿針流風自管文成七襄誰為組織惟爾  
墨林用是刻畫爰助縹緗為國之光郁乎蒨  
錦繡之腸煥乎衣雲錦之裳為登天衢以鵲  
為梁掩映奎星十倍光芒

仲輔程寰



南極一星高居井  
柳億萬斯年徵彼  
黃耆  
竹醉日獨醒客贊

孤南

孤南極北老人彪列象緯森羅天官締察首推閭闔  
爰方闡闡周祜彌薦皇仁普逮九疇五福滋至駢臻  
天庥人頽紛祝無垠南極煌煌照地維八方五土輳  
生遲殷殷鍾石來參差玄鶴白鹿共鳴嬉百末旨酒  
酌蕪靡寸心耿耿抱精微百歲千歲為生羈仰睇星  
辰光不移海月清輝助照之矯哉矍鑠者為誰豐年  
穰穰榮四時傳來奕世樂可支萬曆  
聖人遠如期  
程大約




大司命


大司命

靈鳳蕭 = 伐鼓 歛簫翠旂孔蓋容與飄  
飏執心公方示民不佻名善楚詞我歌  
且謠

吳郡錢允治



皇朝文獻通考 卷一 四十八



# 浮漢槎

## 浮漢槎

事具博物誌中苑墨者及之有思動天文之想乎  
大造漠漠有爛青冥周垣列宿乃聞客星銀河之畔  
天展潤澄牽牛伊何大農揚靈浮浮者槎以當放舫  
筮戒時日八月秋清悠然河漢依稀都停占詠通道  
莽不知名爰取歸路爰叩君子天耶人耶聚神會精  
百物攸宜萬彙嘉亨以語墨德是曰大真

彭好古伯錢甫撰





東君

雲中君

神來壽宮昭々未央夫君既降日月齊光爰  
初書契在昔頡皇今須點黛漚潤毫芒像貌  
儀形翱遊周章

張敫



雲中君歌

靈之來兮澆泆  
晷變離兮帝鄉  
泐兮安兮靡  
宮映窮岫兮英  
：候膚寸兮候  
遍天乘飛龍  
兮潤埃垓呈  
蕭昂兮迴輪  
困紛郁蕩兮  
煙非煙等類  
祗兮望終配  
三光兮施工  
近引瞻兮  
日際就攬挹  
兮遙空範  
隕靡兮昭質  
流靈氣兮  
為窮

關中盛以弘



玄關論

自古至人傳道只說玄關  
玄關者即人身中  
虛靈一竅也心乃肉軀而  
中空名曰虛無窟  
裏清空之所五氣神明  
舍焉心為身主神為  
心主恍惚靈通樞紐  
萬化即三氏所稱貞一  
歸一抱一也此神當煉  
也而煉神全在調息  
一呼一吸息也氣也何  
可言神真靈常與氣  
相隨能調真息即煉神  
也調煉日久自見一

息生機靈光無罣無礙通天通地通人通物  
總在乾坤內通為一息矣息者休息生息之  
謂休息正生息也生生不息混闢無窮之道  
也聖門明德仁元禪門菩提如來玄門谷神  
真種皆是物也脩道至此纔為有得得則時  
習不已熟而化為耳矣

龍門山人宋應昌思文父撰

### 太極圖

太極團中按古今河圖龍馬已消沉自知復  
始生天地大象圓明是了心

### 聖宗

大道原來一貫真已羊多歧却沉回求心不  
懈從心妙定性終須率性神

### 禪宗

時省腹內抱心蓮妙覺安神道自綿西方善

墨苑  
卷一  
提令在手大千度盡是全緣

玄宗

嬰兒不會含何德保合冲和養谷神鄭重莫  
將心使氣闊浮多少益生人

龍門山人宗應昌思文父題

